



Broj: 150-16-35- 348-1 /23 MM
Sarajevo, 25-01, 2023. godine

Na osnovu člana 70. stav (1) i (3) Zakona o javnim nabavkama („Službeni glasnik BiH“, 39/14 i 59/22), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28.12.2015. godine, broj: UV-122-01-1-1045-11/21 od 28.04.2021. godine, broj: UV-104-01-1-1425-15/21 od 29.06.2021. godine i broj: UV-122-01-1-2029-11/22 od 28. novembra 2022. godine, člana 13. stav (2) tačka b) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine, donosi

ODLUKU

o izboru najpovoljnijeg ponuđača u postupku javne nabavke usluga – čišćenja prostorija poslovnog objekta za potrebe Centralne banke Bosne i Hercegovine Filijale Brčko – LOT 1

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluga – čišćenja prostorija poslovnog objekta za potrebe Centralne banke Bosne i Hercegovine Filijale Brčko – LOT 1, putem otvorenog postupka, dodjeljuje ponuđaču ATALIAN GLOBAL SERVICES BH d.o.o. Sarajevo, na period od dvije godine, u svemu prema Ponudi broj: 170-KA/22 od 28.12.2022. godine.

Član 2.

Ponuda ponuđača iz člana 1. ove odluke, nakon održane e-aukcije, glasi na iznos od:

56.440,00 KM bez uračunatog PDV-a

(slovima: pedesetšesthiljadačetiristotinečetdeset konvertibilnih maraka i 00/100)

odnosno

66.034,80 KM sa uračunatim PDV-om

(slovima: šezdesetšesthiljadatridesetčetiri konvertibilne marke i 80/100).

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum, za čije se izvršenje zadužuje Centralna banka Bosne i Hercegovine Filijala Brčko (u daljem tekstu: Filijala Brčko).

Član 4.

Za realizaciju ove odluke zadužuju se Filijala Brčko, Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.



Član 5.

Ova odluka će se objaviti na web stranici Centralne banke www.cbbh.ba, istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 6.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga – čišćenja prostorija poslovnog objekta za potrebe Centralne banke Bosne i Hercegovine, putem otvorenog postupka, pokrenut je Odlukom o pokretanju postupka, broj: 150-15-4-21192/22 SAK od 08.12.2022. godine. U skladu s tim, Centralna banka je 21.12.2022. godine na portalu Javnih nabavki objavila Obavještenje o nabavci broj: 1370-1-2-627-3-301/22.

U roku određenom za prijem ponuda, odnosno do 10.01.2023. godine blagovremeno su dostavljene tri ponude za LOT 1 sljedećih ponuđača:

- EUROSAN d.o.o. Mostar,
- ECOTIME d.o.o. Sarajevo,
- ATALIAN GLOBAL SERVICES BH d.o.o. Sarajevo

Komisija za provođenje postupka javne nabavke (u daljem tekstu Komisija) je izvršila pregled i ocjenu ponuda, te utvrdila da ponuda ponuđača Eurosan d.o.o. Mostar ne ispunjava sve uslove utvrđene u tenderskoj dokumentaciji iz sljedećih razloga:

- Kao dokaz za ispunjavanje uslove tehničke i profesionalne sposobnosti ponuđač je na stranici 25. ponude dostavio Potvrdu o uspješno izvršenom ugovoru, broj: II – 312/21 od 08.02.2021. godine, izdatu od JP Elektroprivreda HZ HB d.d. Mostar. U dostavljenoj potvrdi je navedeno vrijeme izvršenja ugovora: 14.12.2018.-14.12.2020. godine, što ne odgovara vremenskom periodu kako je zahtjevano tenderskom dokumentacijom. Naime, tenderskom dokumentacijom je traženo sljedeće: *„Uspješno iskustvo u realizaciji najmanje 2 ugovora koji su u vezi sa predmetom nabavke, u posljednje dvije godine, računajući od dana predaje ponude (što obuhvata odgovarajući period u 2021. godini i 2022. godini, s tim što će ugovorni organ u obzir uzeti i sve uspješno realizovane ugovore u 2023. godini do momenta predaje ponuda) ili od datuma registracije, odnosno početka poslovanja, ako je kandidat/ponuđač registrovan odnosno počeo sa radom prije manje od dvije godine, sa ukupnom vrijednošću svih ugovora minimalno 30.000,00 KM, ukoliko se ponuda predaje samo za LOT 1, odnosno 8.000 KM ukoliko se ponuda predaje samo za LOT 2.“* Zbog navedenog ponuđač nije dokazao da ispunjava uslove tehničke i profesionalne sposobnosti kako je zahtjevano tenderskom dokumentacijom.

Komisija je utvrdila da ponude ponuđača ECOTIME d.o.o. Sarajevo i ATALIAN GLOBAL SERVICES BH d.o.o. Sarajevo ispunjavaju sve uslove utvrđene u tenderskoj dokumentaciji.

Sa navedena dva ponuđača je zakazana e-aukcija za dan 13.01.2023. godine. Po završetku e-aukcije prvorangirana je ponuda ponuđača ATALIAN GLOBAL SERVICES BH d.o.o. Sarajevo.

Komisija je u svom Zapisniku o pregledu i ocjeni ponuda, broj: 149-16-35-32-7/23 od 19.01.2023. godine i Izvještaju o radu komisije sa Preporukom broj: 149-16-35-32-8/23 od 19.01.2023. godine dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

GUVERNER

dr. Senad Softić



Dostaviti:

- guverneru,
- viceguvernerima
- uredu glavnog internog revizora
- predsjedniku i članovima komisije
- Odjeljenju za računovodstvo i finansije (original)
- Odjeljenju za javne nabavke (original)
- Filijali Brčko
- Ponuđačima
- u spis predmeta (original)
- arhiva